

## DEROUETIA ROBERTIOIDES Boiss.

D. perennis cæspitosa rhizomate crasso ramoso, foliis glabrescentibus omnibus radicalibus angustè linearibus pinnatipartitis scapis numerosis monocephalis folia superantibus, capitulis breviter cylindricis, involucri phyllis parcè et brevissimè farinoso-puberulis linearibus acutis exterioribus paucis inæqualibus triplo brevioribus, ligulis flavis subtùs rubellis, acheniis pappo sordidè albo eis æquilongo superatis, receptaculi areolati setis achenio brevioribus.

*Crepis robertioides* Boiss. Diagn.

Hab. in cacumine *Antilibani* Boiss.

Hæc species cum præcedenti habitu, habitatione alpinâ, capitulis angustis et acheniorum structurâ optimè congruit et ambo a *Crepide* habitu alieno et receptaculo setoso benè distinguuntur.

## PODOSPERMUM VERRUCOSUM Boiss. et Balansa.

P. perenne, radice crassâ verticali, foliis omnibus radicalibus numerosis angustè linearibus flexuosis acuminatis mollibus primùm araneoso-canescens dein glabrescentibus, scapis monocephalis glabrescentibus folia superantibus tandem crassiusculis, involucri glabri squamis paucis imbricatis membranaceis pallidis angustè albido-marginatis obtusiusculis ab infimis triangularibus ad intimas multò longiores lanceolatas sensim auctis, flosculis... acheniis callo eis sublatiori longiusculo cavo stipitatis tuberculis transversis squamæformibus valdè echinatis, pappo pallidè rufescenti achenio longiori, setis nonnullis longioribus supernè non plumosis.

Hab. ad *Bouloukli* circâ *Mersina* Ciliciæ littoralis Maio ineunte jam fructiferum cl. Balansa.

Folia 6-12 pollices longa lineam  $\frac{1}{2}$ -1 lata. Capitula fructifera sesquipolligaria. Achenia cum stipite 6-7 lineas longa. Ex affinitate *P. mollis* et *P. villosi*; ab eis radice non tuberosâ, foliis plerumque angustioribus, acheniis squamellosis distinctum. *Sc. multiscapa* Boiss. habitu affinis differt foliis margine undulatis, acheniis brevioribus stipite cavo non suffultis multò tenuius sub lente tuberculatis.